

III. OUTRAS DISPOSICIÓNS**UNIVERSIDADE DA CORUÑA**

RESOLUCIÓN do 18 de xullo de 2018 pola que se establece a composición da mesa de contratación permanente desta universidade.

Coa entrada en vigor da Lei 9/2017, do 8 de novembro, de contratos do sector público (LCSP/2017), é necesario modificar a composición da Mesa de Contratación Permanente da Universidade da Coruña para adaptala ao novo marco xurídico.

O artigo 326.1 da citada lei establece que, nos procedementos abertos, abertos simplificados, restrinxidos, de diálogo competitivo, de licitación con negociación e de asociación para a innovación, os órganos de contratación das administracións públicas estarán asistidos por unha mesa de contratación. Nos procedementos negociados en que non sexa necesario publicar anuncios de licitación e nos procedementos a que se refire o artigo 159.6 (procedemento aberto simplificado de tramitación reducida) a constitución da mesa será potestativa para o órgano de contratación.

Por todo o anteriormente exposto, e de conformidade co previsto no artigo 326 da LCSP/2017, no Real decreto 817/2009 e no exercicio das facultades que lle confire o artigo 36 do Decreto 101/2004, do 13 de maio, polo que se aprobaron os estatutos da Universidade da Coruña, modificados polo Decreto 194/2007, do 11 de outubro, esta reitoría

RESOLVE:

Primeiro. *Composición da mesa de contratación*

Desígnanse os membros da mesa, con carácter permanente e en razón dos postos que actualmente desempeñan, que se citan a continuación:

1. Presidencia: será exercida pola persoa titular da Vicerreitoría de Economía, Infraestruturas e Sustentabilidade.

2. Vogais permanentes:

a) Xefatura do Servizo de Intervención.

b) Xefatura do Servizo de Asesoría Xurídica.

CVE-DOG: 21hf3pf6-ghj2-kqc6-uwz5-dxocs8gu6gy5



c) Xefatura do Servizo de Contratación, Patrimonio e Xestión Económica.

3. Secretaría: Xefatura da Sección de Contratación.

Segundo. Réxime de suplencias no caso de vacante, enfermidade ou ausencia

1. Presidencia: será substituída pola persoa titular da vicerreitoría que corresponda, de acordo coa orde de prelación establecida no artigo 1 da Resolución reitoral do 12 de xaneiro de 2016, pola que se establece a estrutura orgánica dos servizos centrais da Universidade da Coruña e as competencias dos seus órganos directivos.

2. Vogais permanentes:

a) Xefatura do Servizo de Intervención: pola xefatura de sección ou, na súa ausencia, pola do negociado do citado servizo.

b) Xefatura do Servizo de Asesoría Xurídica: pola xefatura de sección ou, na súa ausencia, pola do negociado do citado servizo.

c) Xefatura do Servizo de Contratación, Patrimonio e Xestión Económica: pola xefatura da Sección de Xestión Económica ou, na súa ausencia, pola dun dos negociados da citada sección.

3. Secretaría: pola xefatura dun dos Negociados de Contratación ou, na súa ausencia, pola dun dos outros negociados do Servizo de Contratación, Patrimonio e Xestión Económica.

Terceiro. Normas de funcionamento da mesa de contratación

Para a válida constitución da mesa deberá estar presente a maioría absoluta dos seus membros e, en todo caso, o/a presidente/a, o/a secretario/a e os dous vogais que teñan atribuídas as funcións correspondentes ao asesoramento xurídico e ao control económico-orzamentario do órgano de contratación.

Terán voz e voto todos os membros da mesa citada no apartado primeiro, excepto o/a secretario/a da mesa e os funcionarios e asesores especializados que se incorporen ás reunións, segundo a natureza dos asuntos que se vaian tratar, que actuarán con voz e sen voto.

CVE-DOG: 21hf3pf6-ghj2-kqc6-uwz5-dxocs8gu6gy5



A mesa de contratación poderá, así mesmo, solicitar o asesoramento de persoal técnico ou experto independente con coñecementos acreditados nas materias relacionadas co obxecto do contrato. A súa asistencia será autorizada polo órgano de contratación e deberá ser reflectida expresamente no expediente, con referencia ás identidades do devandito persoal técnico ou experto, á súa formación e á súa experiencia profesional (art. 326.5 LCSP/2017).

A mesa de contratación poderá solicitar cantos informes técnicos considerar pertinentes (art. 150.1 LCSP/2017).

Nos casos en que a valoración dos criterios mediante un xuízo de valor corresponda a un comité formado por expertos ou a un organismo técnico especializado (art.146.2 a) LCSP/2017), a designación realizarase e publicarse no perfil de contratante (art. 63.5 LCSP/2017).

De xeito supletorio, o seu funcionamento rexerase polo establecido no título preliminar, capítulo II, sección 3ª, subsección 1ª da Lei 40/2015, do 1 de outubro, de réxime xurídico do sector público.

Cuarto. *Publicación e efectos*

Esta resolución terá efectos desde o día seguinte ao da súa publicación no *Diario Oficial de Galicia*, momento en que deixará de ter efectos a anterior resolución reitoral do 28 de xaneiro de 2016 pola que igualmente se establecía a composición da Mesa de Contratación Permanente da Universidade da Coruña.

A Coruña, 18 de xullo de 2018

Julio Abalde Alonso
Reitor da Universidade da Coruña

CVE-DOG: 21hf3pf6-ghj2-kqc6-uwz5-dxocs8gu6gy5

